

Fobitro Injil Shorif 26 nombor sifara al-Ehuda Forisiti

Alla Pakor hukume Hozrot Isa al-Mosir haton bai Hozrot Iakubor (ra:) afon bai Ehudae (ra:) ou sohifağan leksoin. Hozrot Isa al-Mosie dunia taki behešto toshrif neoar onuman 40-50 bosor bade ou sifara leka oise.

Bonđo zeta ustad okole nizore imandar koia dabi korto, tarar befare hushiar oar lagi ou sifarat talim ase. Itar hesh dosha kita oibo, okan zanail oise. Ar agor zomanar kunu kunu naforman manush, lannoti firista ar tarar komor udahoron deoa oise.

Lekoke Isaei ummot okolre koira, Allae tumrare ze iman dan korsoin, ou imanor lagi dilezane larai korat ro.

Ermaze ase,

- (1) Salam ar dua 1:1-2 *aeat*
- (2) Bonđo ustador birudde imani larai salao 1:3-16
- (3) Imane basia ro 1:17-23
- (4) Bidaei dua 1:24-25

¹ Ami Ehuda to sahabi Iakubor bai ar Hozrot Isa al-Mosir gulam. Amrar gaibi baf Alla Pake zerare mohobbot koroin, zera Allai daot faisoin, ar Isa al-Mosie zerar hefazot koroin, ou sohifağan ami erar gese lekram.

² Tumrar ufre besh kori meherbani, shanti ar mohobbot zari rouk.

Bonđo ustador birudde imani lařai salao

³ O maear dust ořol, amra hořole mili ze nazator bagi oisi, ou nazator befare ami kub kiali oia tumrar gese leřtam saisi. Ermaze buzlam, aro dorřar ase imanor lagi lařair befare lekia tumrare utshaho deoa. Allae tan pak bonda ořolre sirořalor lagi ze imani don disoin, ou Isaei imanor fokke dile-zane lařai řora to zorur.

⁴ Itar zorur oise, řaron zeta manshe be-dini řamor shaza faibar řota ag takiu leřa asil, tole tole ota manush aia tumrar dolo hamai gese. Amrar Allar rohomotre tarar bod řaish miřanir atiar banaise, ar amrar eřmatro malik Isa al-Mosir ulřa sole.

⁵ Te ou befar to tumra kub bala řoriu zano, ta-o ami řali ořan mono řorai diram, Mishor desh taki Boni Israilre azad řoria anar bade, tarar mazor zetae iman anchil na, malike tarare binash řorsla.

⁶ Ar zeta firista ořole nizor dae-daeitto adae na řoria, nizor ashon taki hori gesla, Allae tarare sirořal dori shikoldi bandia goin andair goro raksoin hashoror dinor lagi.

⁷ Ou lařan Hozrot Lut nobir zomanar Sadum, Amura ar řanda-řasar hořol řaunor manshe otar lařan zina řorsil, řali zina nae, tara kub řobisi zina řorae sirořal dori duzořo zolbo, ita oilo eřřa nishana.

⁸ Erbadeo ou bonđo ustador ořol, zetae baze kuab deki deki talim dein, tara řobisi řam řoroin, kunuzat shashon manoin na, ar batuni shordar ořolor bodnam gain.

⁹ Emonki asmanor shordar firista Mikaile zebra Hozrot Musar lash loia Iblisor loge torka-

torki qorsla, ou shomoe tain Iblis-shoetanor bodnam gaia dushi shaibosto qorâr shaosh qorla na, borong qoila, “Malike zanu tumare bond qoroin.”

¹⁰ Oile ou bonqo ustad oqole zeta buze na otar bodnam gae, ar zongli zanuaror laqan nizor aqole nizor shorbonash goqae.

¹¹ Ita to lannoti! Iguin Baba Adomor lannoti fut Kabilor laqan bonchoin. Duniabi labor ashae tara hou bonqo nobi Balamor qaishor ato nizore shofi dise. Ar Musa nobir bae bigri zaora hou neta Kurahor laqan tarar binash ase.

¹² Te ou lannoti ota aia zebila be-shoromor laqan tumrar mezbanî qae, ou shomoe ita oizain tumrar qanir talor moela. Tara qali nizor shartor danda qore. Tara oila, asmano urra huda megor saqa, ba bagano duibar mora-hukna fol gas, zegie fol na dorae, zoqe-foqe huria tulia falail oise.

¹³ Ar tara oila tufanor qalor doriar qeur laqan, doriar qeue zela fenare bashaia tule, tarar bod qamor shoromo ola bashia uqe. Tara oila, sairobae sokkor deora terar laqan, itar hesh dosha oilo hor-hameshakur lagi zoma raqa goin andair.

¹⁴ Baba Adomor qandanor shat nombor zon Hozrot Idriseo ota manshor befare qoia gesoin, “Huno, manshor bisar qorâr lagi, Malik-Moulae tan azar azar fobitro firista loia aira.

¹⁵ Zetae be-dini qam qorsoin ar tan birudde lannoti mat matisoin, oqon ou be-din gunagar oqolor faona hishabe tain itare furafur dushi shaibosto qorat aira.”

¹⁶ Itae to hameshau na-sobori qoroin, nizor qofalre dushoin ar tarar bod qaishor boshe soloin. Tarar hoqol mato nizor borai-betagiri deqain, sharto hasilor lagi manshor bozona qoroin.

Imane basia ro

¹⁷ Oile O maear dust oqol, ami tumrare qoiram, amrar malik Isa al-Mosir sahabi oqole age zeta bataisoin, ita mono rakio.

¹⁸ Era tumrare ou hushiari dita na ni, "Aqeri zomanat forezgarre taqta-moshkora qorra eqzat manush aiba, aia tarar be-dini bod qaish mafik solba."

¹⁹ Duniabi babor ita manshe qali doladoli lagain, tarar bitre Allai Pak Ruh nai.

²⁰ Ta-o maear baiain, tumrar ou nikut fakfobitro imanor ufre bor qoria nizore goqia tulat ro, ar Pak Ruhe kamil oia munazat qorat ro.

²¹ Allar mohobbotor maze nizore bandia raqo, ar aqeri zindegi faibar ashae amrar malik Isa al-Mosir meherbanir lagi bar sao.

²² Tumrar maze zerar imane loqa-soqa qore, tarare doya qoro.

²³ Aguin taki tulia ania manshor zan basao. Ar gunar bod qaishor zalae zetar zindegi borbad oigese, itar finnor nafak kafor qanreo ginna qoro, ar nizore hefazote rakia tarare doya qoro.

Bidaei dua

²⁴ Ar ze Allae tumrare usta qaoa taki basain, zein nikut halote tumrare kushi-bashie tan shan-tozollir samne azir korta faroin,

²⁵ hou eqmatro Alla zein amrar zan basain, tan zalal-shan, mohima, kudroti bol-shokti ar

raz-ķemota amrar malik Isa al-Mosir usillae zair
ouk, hokkol zugor ag taki oķon forzonto ar zuge
zuge hor-hameshau ola ouk. Amin.

Sylheti New Testament (Latin)
Sylheti: Sylheti New Testament (Latin) New
Testament+

copyright © 2014 Ahle Kitab Society

Language: (Sylheti)

Contributor: The Seed Company

All rights reserved.

2020-11-30

PDF generated using Haiola and XeLaTeX on 18 Apr 2025 from source
files dated 29 Jan 2022

2eb27397-6d35-5c13-b811-aecd7920507c